



Broj: 01/1-02-854/16
Ilijaš, 31.03.2016. godine

Z A P I S N I K

sa 39. (tridesetdevete) sjednice Općinskog vijeća Ilijaš, održane dana 31.03.2016. godine, sa početkom u 10h.

Tridesetdevetom sjednicom OV-a Ilijaš predsjedavao je predsjedavajući Općinskog vijeća Ilijaš g-din Damir Filipović.

Prisutni vijećnici:

RB.	IME I PREZIME
SDA	
1	MAHIR DEVIĆ
2	NEDŽMIJA MATORUGA
3	SAUDIN DURMIĆ
4	HALID DIZDAREVIĆ
5	-
6	MUAMER DERVIŠEVIĆ
7	FAHIR HASANOVIĆ
8	RASIM ŠEHIĆ
9	SELMA PUŠINA
SDP	
10	ALAN ŠERAK
11	MARIONETA ILIĆ-JURETA
12	DAMIR FILIPOVIĆ
13	SELVER HERIĆ
SBB	
14	ADEM EFENDIĆ
15	NIJAZ MAŠIĆ
16	SEAD ŠEHIĆ
17	AKIF BEŠLIJA
SAMOSTALNI VIJEĆNICI	
18	EDHEM HASANOVIĆ
19	ASIM MUJIĆ
20	NIHAD BUČUK
21	ENES DIZDAREVIĆ
STRANKA ZA SREDNJE	
22	BESIM GLJIVA
23	AIDA MALIŠEVIĆ

	LDS
24	-
	BPS
25	MUHAMED HANDŽIĆ

Odsutni vijećnici:

1. Muamera Masnopita i
2. Nijaz Rastoder

Prisutni gosti:

1. Aida Muratović - Radio Ilijaš
2. RTV Vogošća
3. Mirsad Hamzić – predsjednik Savjeta MZ Malešići
4. Mehmed Smajlović – predsjednik Savjeta MZ Mrakovo
5. Alen Matoruga – predsjednik Savjeta MZ Misoča
6. Benis Fazlić – direktor JU “KSC i Radio Ilijaš”
7. Amar Dovadžija – poslaniku Skupštini Kantona Sarajevo
8. Ramiz Omerović – predstavnik Službe socijalne zaštite

Ostali prisutni:

1. Akif Fazlić – općinski načelnik
2. Nijaz Spahić – pomoćnik načelnika
3. Zdravko Barić – pomoćnik načelnika
4. Sanja Zagorac-Jozić – pomoćnik načelnika
5. Alma Imamović – pomoćnik načelnika
6. Meliha Avdibegović – pomoćnik načelnika
7. Sadeta Brkić – pomoćnik načelnika
8. Ilda Kahriman – sekretar OV-a Ilijaš
9. Vahid Hadžiabdić – građevinski inspektor
10. Sadik Alić – komunalni inspektor
11. Adha Masnopita – stručni saradnik u Službi za društvene djelatnosti
12. Maida Habibović – zapisničar
13. Nizama Mališević – v.d. šef katastra

Predsjedavajući je otvorio sjednicu i konstatovao da postoji kvorum za odlučivanje.

Prije utvrđivanja dnevnog reda, dao je na razmatranje zapisnik sa 38. sjednice Općinskog vijeća Ilijaš.

Primjedbi na zapisnik nije bilo, pa je Općinsko vijeće jednoglasno usvojilo zapisnik sa 38. sjednice.

Zatim je predsjedavajući pročitao predloženi dnevni red i isti dao na razmatranje.

Naglasio je da je KV SDA predložio da se zamjene tačke 3. i 4., obzirom da je potrebno prvo usvojiti Izvještaj, a tek onda Plan rada JU “KSC i Radio Ilijaš”.

Također, naglasio je da predlagač povlači 11. tačku dnevnog reda, a predložene je dopuna i to: pod tačkom 11. Prijedlog Odluke o načinu i uslovima neposredne zamjene građevinskog zemljišta i pod tačkom 12. Prijedlog Odluke o izmjeni i dopuni Odluke o

dodjeli mandata za članove Savjeta mjesnih zajednica na području Općine Ilijaš.

ALAN ŠERAK – vijećnik SDP-a

Što se tiče tačke 9. i 10. predloženog dnevnog reda, na sjednici Skupštine Kantona Sarajevo, juče su usvojeni Zakon o komunalnoj čistoći i Zakon o komunalnim djelatnostima, tako da smatram da davanje saglasnosti nakon usvojenih ovih Zakona, po meni, nema smisla.

AKIF FAZLIĆ – općinski načelnik

Kada je u pitanju sugestija Alana Šeraka, želim reći da je Ustavni sud stavio van snage ove Zakone upravo zbog procedure na koji su doneseni. Znači, Skupština Kantona Sarajevo je na neki način izvan svojih ingerencija donijela ove Zakone koji su u nadležnosti lokalnih zajednica. Dakle, ovdje nije problem u Zakonima, oni su praktično ponovljeni, ali bitna je procedura koja podrazumijeva da lokalne zajednice daju saglasnost Skupštini Kantona Sarajevo da može donijeti ove Zakone pošto se ušlo u vremenski cajt not i tražilo se od općina da daju saglasnosti i neke općine su pristupile da su načelnici dali saglasnost što mislim da nije uredu, jer se radi o nadležnostima. Ja sam informisao Kanton da su kod nas danas na dnevnom redu ove saglasnosti. Skupština Kantona Sarajevo je juče donijela ove Zakona, ali uz zaključak da se do objavljivanja u Službenim novinama pribave saglasnosti koje će biti prilog donesenim Zakonima, tako da je jako bitno da se danas usvoje ove saglasnosti.

Obzirom da prijedloga i primjedbi na dnevni red više nije bilo, Općinsko vijeće Ilijaš je jednoglasno usvojilo slijedeći

DNEVNI RED

1. Vijećnička pitanja i inicijative
2. Izvještaj o realizaciji zaključaka sa 38. sjednice
3. Izvještaj o radu i finansijskom poslovanju za 2015. godinu Javne ustanove "KULTURNO-SPORTSKI CENTAR I RADIO ILIJAŠ" sa izvještajem manifestacije "Ilijaški dani 2015" i Izvještajem o održavanju i finansijskim efektima antenskog stuba Karašnica
4. Prijedlog Odluke o davanju saglasnosti na Plan rada Javne ustanove "KULTURNO-SPORTSKI CENTAR I RADIO ILIJAŠ" za 2016. godinu
5. Izvještaj o izvršenju Budžeta Općine Ilijaš za period 01.01.-31.12.2015. godine
6. Prijedlog Odluke o pristupanju izradi Regulacionog plana "Apartmansko naselje Sovrle 1"-Ilijaš
7. Prijedlog Izmjene i dopune Odluke o pristupanju izradi Regulacionog plana "Stari Ilijaš"
8. Prijedlog Odluke o davanju saglasnosti na plan utroška namjenskih sredstava prikupljenih od naknada za korištenje državnih šuma
9. Prijedlog Odluke o davanju mišljenja i saglasnosti Kantonu Sarajevo na Prijedlog Zakona o komunalnoj čistoći
10. Prijedlog Odluke o davanju mišljenja i saglasnosti Kantonu Sarajevo na Prijedlog Zakona o komunalnim djelatnostima
11. Prijedlog Odluke o načinu i uslovima neposredne zamjene građevinskog zemljišta
12. Prijedlog Odluke o izmjeni i dopuni Odluke o dodjeli mandata za članove Savjeta mjesnih zajednica na području Općine Ilijaš

13. Prijedlog Odluke o neposrednoj pogodbi za prodaju neizgrađenog građevinskog zemljišta (k.č.br.396/33 - novi premjer)
14. Prijedlog Odluke o neposrednoj pogodbi za prodaju neizgrađenog građevinskog zemljišta (k.č.br.771/3, 771/4, 874/2 K.O. SP_Srednje)
15. Prijedlog Odluke o neposrednoj pogodbi za prodaju neizgrađenog građevinskog zemljišta (k.č.br.379/7 K.O. SP_Stomorine)
16. Prijedlog Odluke o izmjeni člana 2. Odluke Općinskog vijeća Općine Ilijaš br.01/1-02-222-10/16 od 28.01.2016. godine
17. Prijedlog Odluke o naknadama za vršenje usluga iz oblasti premjera i katastra u postupku izlaganja podataka premjera i katastarskog klasiranja na javni uvid za K.o. Kamenica
18. Nacrt Odluke o uslovima i načinu držanja kućnih ljubimaca pasa i domaćih mački, načinu postupanja s napuštenim i izgubljenim životinjama i psima lualicama na području općine Ilijaš
19. Prijedlog Odluke o upotrebi znakovnog jezika u Općini Ilijaš
20. Informacija o provođenju Zakona o matičnim knjigama
21. Informacija o dodjeli općinskih stipendija za učenike i studente u školskoj 2015/2016. godini
22. Informacija o radu Službe socijalne zaštite Ilijaš za 2015. godinu.

AD-1

Vijećnička pitanja i inicijative

MUHAMED HANDŽIĆ – vijećnik BPS-Sefer Halilović

Pitanje:

1. Tražim da mi nadležna općinska služba dostavi podatke o broju demobilisanih boraca Općine Ilijaš koji se nalaze na birou za zapošljavanje.

MAHIR DEVIĆ – vijećnik SDA

Inicijativa:

1. Pokrećem inicijativu da općinski načelnik putem nadležne službe i nadležnih u Kantonu Sarajevo, koordiniranom aktivnošću iznađu rješenje uspostave trajnog i sistemskog funkcionisanja Ambulante porodične medicine u punom radnom vremenu u Mrakovu.

Obrazloženje: Na 30.(tridesetoj) sjednici Općinskog vijeća Ilijaš od 30.04.2015. godine, postavljano je slično pitanje, ali od tada do danas ništa se nije primijenilo. Također, Savjet MZ Mrakovo u 2014. i 2015. godini od menadžmenta JU "Dom zdravlja" Kantona Sarajevo, tražio je uspostavljanje trajnog i sistemskog rješenja zdravstvene zaštite građana MZ Mrakovo, cijeneći statističke i demografske pokazatelje, gdje postoje optimalni uslovi za uspostavljanje kvalitetne zdravstvene zaštite građana barem od jednog tima doktora porodične medicine. Od nedavno je počela sa radom i Apoteka u Mrakovu sa punim radnim vremenom koja može puno doprinijeti na jačanju svijesti građanada intenziviraju prenošenje zdravstvenih kartona po mjestu prebivališta što bi bilo i logično, a i jedno od rješenja za građane MZ Mrakovo. Organi MZ Mrakovo čine stalne napore da motivišu građane govoreći im da su i oni djelimično odgovorni za trenutno stanje, ali ne gube nadu, jer postoje svi uslovi da se na ovom području ozbiljnije razvijaju navedene usluge (posebno u prevenciji).

AKIF BEŠLIJA – vijećnik SBB-a

Inicijative:

1. Pokrećem inicijativu da se riješi problem kontinuiranog pregleda i savjetovanje dijabetologa u Domu zdravlja Ilijaš.

Obrazloženje: Poznato nam je da je petkom, već duži vremenski period radio doktor dijabetolog u DZ Ilijaš, gdje trenutno oko 2000 pacijenata je oboljelo od dijabetesa. Dijabetolog je vodio kontinuirano liječenje i savjetovanje svih pacijenata, ali zbog nekih tehničkih problema na nivou Doma zdravlja, dijabetolog je prestao dolaziti. Sve to znači da svi ovih pacijenti sa područja Općine Ilijaš moraju liječenje i savjetovanje potražiti u drugim domovima zdravlja ili čekati da se tehnički problemi riješe, a bolest uznapreduje. Molim vas da zbog ozbiljnosti ovakvog vida oboljenja u što skorije vrijeme po mogućnosti ODMAH ovaj problem riješite.

2. Pokrećem inicijativu da se riješi problem kontinuiranog pedijatrijskog pregleda u drugoj smjeni najmlađih građana Općine Ilijaš, u Domu zdravlja Ilijaš.

Obrazloženje: Naime, radi se o tome da je dugogodišnja pedijatrica dr.Eminagić Diba otišla u zasluženu penziju, a drugi pedijatar na dugotrajno bolovanje, tako da je DZ Ilijaš ostao na uslugama jednog pedijatra i to u prvoj smjeni. Saznanjima sa terena kada je u pitanju pedijatar situacija u DZ Ilijaš je gora nego prije pet godina, kada su radila dva pedijatra u obje smjene. Također je problem i sa školskim dispanzerom, gdje radi jedan ljekar i sa zdravom i sa bolesnom djecom (zdrava djeca-redovna vakcinacija i sistematski pregled). Samim tim u drugoj smjeni bolesna djeca svoje preglede mogu ostvariti samo u Sarajevu, jer i pored dobre volje službi porodične medicine ti ljekari nisu pedijatri i po Zakonu ne mogu raditi sa djecom. Da stvar bude gora, djeca zbog inhalacije i injekcija moraju ići dva puta u Sarajevo, a sve to izaziva materijalna sredstva. Zbog svega navedenog potrebno je što prije riješiti ovaj evidentni problem.

MARIONETA ILIĆ-JURETA – vijećnica SDP-a

Inicijative:

1. U selu Solakovići se prave privatne deponije koje treba što prije obići i ukloniti, te upoznati stanovništvo na izricanje novčane kazne u slučaju istih, te da naš inspektor obiđe cijeli teren općine, a pogotovo gornji kraj općine gdje nema dovoljno kontejnera i gdje je nepristupačan teren za izlazak kamiona komunalnog preduzeća.
2. Pokrećem inicijativu da se uklone ograde u naselju Povoča koje su postavljene u kanalu uz lokalni put. Također da inspektor prilikom izlaska na teren obrati pažnju i upozori na moguće sankcije i kazne.

SELVER HERIĆ – vijećnik SDP-a

Zamolio bih predsjedavajućeg, da prilikom izlaska vijećnika za govornicu, naglasi iz koje političke partije vijećnik dolazi.

Pitanja:

1. Tražim da sva boračka udruženja dostave detaljan izvještaj o utrošku dodijeljenih

sredstava budžetom Općine Ilijaš i to za januar, februar i mart 2016. godine za slijedeću sjednicu Općinskog vijeća Ilijaš.

2. Tražim izvještaj o dodijeljenim nekretninama (zemljište) – odlukama o neposrednoj pogodbi za 2015. i 2016. godinu. U tom izvještaju treba navesti sve o provođenju tendera, konkursa (ko je aplicirao na konkurse, kojim putem su dodijeljeni onima kojima su dodijeljeni). Svjedoci smo da takve tačke imamo i danas na dnevnom redu, pa vas pozivam da to bude uokvireno u sve zakonske okvire i dostupno svim građanima Općine Ilijaš. Ovaj izvještaj dostaviti na slijedećoj sjednici Općinskog vijeća Ilijaš.
3. Regulisati grijanje u područnim školama Srednje, Gajevi, Dragoradi i Kamenica kako bi izbjegli grijanje na bubnjare i slično.

AIDA MALIŠEVIĆ – vijećnica Stranke za Srednje

Inicijativa:

1. Pokrećem inicijativu da se u toku 2016. godine iz budžetskih sredstava izvrši adaptiranje igrališta u Srednjem i izgradnja "zabavnog parka" da bi djeca i omladina mogla to da koriste. Napominjem da u Srednjem ima samo jedno asfaltirano igralište, tačnije kod Spomen doma i zaista je žalosno da se ono ne može urediti (postaviti koševе, golove, ograditi igralište, postaviti tobogane itd.). Znači, nešto minimalno tražimo. Imam informaciju da u poslije-ratnom periodu nije bilo nikakvih ulaganja na tom planu.

BESIM GLJIVA – vijećnik Stranke za Srednje

Inicijative:

1. Put Čevljanovići-Gajevi koji održava Direkcija za ceste Kantona Sarajevo putem preduzeća "Citar-produkt" neophodno je izvršiti temeljitu analizu istog. Naime, na više mjesta u velikom dijelu je Ljubinski potok potkopao navedeni put i neophodno je izgraditi potporne zidove. Takođe, na navedenom putu se pojavio veći broj pukotina koje treba blagovremeno sanirati kako bi se spriječilo daljnje urušavanje ovog veoma bitnog putnog pravca.
2. Neophodno je napokon izvršiti sanaciju Spomen kuće šehidima, a nekada "Titovu kuću" u Gajevima. Na sanaciju se čeka već nekoliko godina, a ista je izrađena od drveta tako da je neophodno izvršiti premazivanje drvene konstrukcije.
3. Neophodno je izvršiti popravku oluka i slivnika na Društvenom domu u Gajevima koji su već odavno oštećeni usljed sniježnih padavina.

MARIONETA ILIĆ-JURETA – vijećnica SDP-a

Sviđa mi se inicijativa kolegice Aide Mališević i predlažem da se obidu i poprave sva igrališta na području Općine Ilijaš.

Inicijative:

1. Da se u glavnoj ulici 126. Ilijaške brigade, tačnije na lokaciji šetnice predvidi mjesto za postavljanje spomen obilježja žrtvama srebreničkog genocida, te da stručna služba Općine Ilijaš pristupi izradi projekta izgleda istog. Potrebno je da se cjelokupna procedura sprovede do 10.07. kada bi se isti otkrio.

Obrazloženje: Upoznati sa velikom promjenom demografske strukture na području Općine Ilijaš, gdje je doselila velika većina stanovništva sa područja srednjeg podrinja, koji su bili žrtve tortura, nasilja ili su porodice istih, te kako bi ti isti ljudi spoznali da je Općina Ilijaš prihvatila njih kao svoje stanovnike. Nemoguće je izbrisati tugu i bol koja im je nanesena, ali je moguće ovim malim znakom pažnje pokazati da je Općina Ilijaš ustvari općina svih građana. Potaknut primjerima iz okruženja predlažem ovu inicijativu.

2. Da općinski načelnik Odlukom o preraspodjeli sredstava izdvoji određenu sumu novca kojom bi se obezbijedilo interventno vozilo za Dom zdravlja Ilijaš.

Obrazloženje: Disperzija terena Općine Ilijaš zahtjeva da se poboljša mobilnost timova za zdravstvenu zaštitu, pogotovo u ljetnom periodu zbog velikih vrućina, kada su povećane mogućnosti srčanih i moždanih udara.

3. Da stručna služba Općine Ilijaš izađe na lokalitet Ljubinića (kod škole) i sačini zapisnik o problemu nakupljanja vode ispred osnovne škole, te da pristupe realizaciji navedenog problema u što skorije vrijeme.

Obrazloženje: Obzirom da su građani MZ Ljubinići istakli ovo kao jedan od ključnih problema na području spomenute mjesne zajednice, ispred njih upućujem ovu inicijativu.

4. Da se postave table sa oznakom naselja na ulazu i izlazu naselja Ljubina.

Obrazloženje: Inicijativa ispred građana Mjesne zajednice Ljubina.

Pitanje:

1. Tražimo da nam dostavite broj nezaposlenih osoba prema evidenciji Službe za zapošljavanje Kantona Sarajevo iz decembra 2012. godine?

Ispred Kolegija Općinskog vijeća Ilijaš, na osnovu člana 32. i 35. Poslovnika Općinskog vijeća Ilijaš ("Službene novine Kantona Sarajevo", broj: 2/10 i 18/15), pokrećemo inicijativa koju tražimo da pretvorimo u zaključak

Inicijativa:

1. Tražimo da se Tematska sjednica "Reorganizacija, transformacija i profesionalizacija Mjesnih zajednica Općine Ilijaš", koja je po Programu rada Općinskog vijeća Ilijaš za 2016. godinu, planirana da se održi u mjesecu aprilu, ista održi 05.05.2016. godine.

Obrazloženje: Obzirom da je po Programu rada Općinskog vijeća Ilijaš za 2016. godinu, planirano u mjesecu aprilu održavanje i svečana sjednica, smatramo da tematsku sjednicu Općinskog vijeća Ilijaš treba odgoditi za naprijed navedeni datum.

Općinsko vijeće Ilijaš je jednoglasno donijelo slijedeći

ZAKLJUČAK

Da će se Tematska sjednica "Reorganizacija, transformacija i profesionalizacija Mjesnih zajednica Općine Ilijaš", koja je po Programu rada Općinskog vijeća Ilijaš za 2016. godinu, planirana da se održi u mjesecu aprilu, ista održati 05.05.2016. godine.

SELMA PUŠINA – vijećnica SDA

Inicijativa:

1. Inicijativu upućujem nadležnoj službi za postavljanje znaka zabrane parkiranja u dužini 10 m na području Banovca od raskrsnice tj. ispred zgrade broj 100 i prostora napravljenog za odlaganje otpada-smeća.

Obrazloženje: Građani područja navedenog naselja u gradu Ilijašu traže da se postavi znak zabrane parkiranja na ovoj lokaciji, jer su pored svih problema oko parkinga ovdje ugroženi pješaci i vozači, jer na tom uskom grlu dolazi do totalnog zagušenja saobraćaja zbog nesavjesnih vozača, koji ostavljaju svoja vozila u mirovanju pored samih kontejnera i samim tim blokiraju jednu kolovoznu traku. Molimo da nadležne službe poduzmu zakonske mjere kako bi se riješio ovaj problem bez većih posljedica za same građane.

RASIM ŠEHIĆ – vijećnik SDA

Inicijativa:

1. Pokrećem inicijativu da se izvrši sanacija "centralnog" puta u MZ Kamenica koji je u nadležnosti Direkcije za ceste Kantona Sarajevo.

Obrazloženje: Gore navedeni put, usljed dugogodišnjeg izostanka sanacije, postepeno je doveden u situaciju da je na određenim mjestima neophodna hitna sanacija kako bi se zaustavilo urušavanje i oštećenje ovog puta. Obzirom da ova stavka ne iziskuje znatna materijalna sredstva, iskreno se nadamo da će inicijativa naći razumijevanje.

ASIM MUJIĆ – samostalni vijećnik

Inicijative:

1. Tražim od izvođača radova koji rade u ul.Polomska na postavljanju optičkog kabla, da poslije završetka radova postave odmah šahtove za navedene radove, te dovedu u prvobitno stanje.
2. Tražim od izvođača radova, koji su radili u ul.Polomska na postavljanju asfalta, da mi odgovore zašto nije dovršeno i kada se planira završetak radova na ovoj dionici.

AD-2

Izveštaj o realizaciji zaključaka sa 38. sjednice

Diskutanata po ovoj tački dnevnog reda nije bilo, pa je Općinsko vijeće Ilijaš jednoglasno usvojilo

Izveštaj o realizaciji zaključaka sa 38. sjednice

Izveštaj o radu i finansijskom poslovanju za 2015. godinu Javne ustanove "KULTURNO-SPORTSKI CENTAR I RADIO ILIJAŠ" sa izveštajem manifestacije "Ilijaški dani 2015" i Izveštajem o održavanju i finansijskim efektima antenskog stuba Karašnica

BENIS FAZLIĆ – direktor JU "KSC i Radio Ilijaš"

U Izveštaju o radu mi smo taksativno pobrojali sve ono što se u 2015. godini dešavalo i to smo potkrijepili i finansijskim izveštajem. Ustanova je finansijski pozitivno poslovala. Ono sa čime nismo zadovoljni jeste grijanje sportske dvorane. Ovom prilikom pozivam sve da zajednički pokušamo iznaći adekvatno rješenje kako bi korisnici sportske dvorane bili zadovoljni.

MUHAMED HANDŽIĆ – vijećnik BPS-Sefer Halilović

Kada se tiče Izveštaja ove javne ustanove i obrazloženja direktora, mislim da je ovo prekratko da bi dobili obrazloženje za sve ovo što je navedeno. Ja sam zabilježio stavke koje mi nisu jasne: povećanje bruto plata iz 2014. u 2015. godinu, a znamo da je od 2014. godine bila recesija i da je bilo ušteda, a ovdje vidimo povećanje plata, pa me interesuje na koji način je to provedeno? Usluge troškova goriva su velike i za 2014. i 2015. godinu, a znamo da JU "KSC i Radio Ilijaš" ima jedno vozilo, a vidio sam da postoje i troškovi prevoza. Interesuju mi i troškovi reprezentacije. Ukupno povećanje sa 388.000 na 408.000 KM takođe da nam pojasnite na koji način. Propagandni materijal 1096 KM sa 500 KM planiranih, nije mi jasno o kojem propagandnom materijalu se radi.

Na kraju, ja ovaj Izveštaj neću podržati, a jedan od razloga što neću podržati je što direktor i njegov menadžment vrše selekciju programskih aktivnosti i emituje se ono što odgovara određenim strukturama, a ono što im ne odgovara se izrezuje i baca u "kantu za smeće". Ova javna ustanova bi trebala da bude ustanova građana Ilijaša, a ne ustanova jednog političkog faktora ili vas direktore i vašeg menadžmenta. Za ono što nije uredu ja sam napisao prijavu RAK-u i dobilo se izvinjenje određenim nivoima, a ja to poredim sa tim kao npr. da me neko istuće na sred ulice, a onda kaže "izvinite" ja sam pogriješio niste vi taj.

NIJAZ MAŠIĆ – vijećnik SBB-a

Ono što je nama zapelo u oči jeste da se iz godine u godinu sredstva u ovoj ustanovi povećavaju iz budžeta. Prihod je uvećan zahvaljujući antenskom stubu. Znamo da su plate uposlenih u posljednje vrijeme ili ograničene ili da idu naniže. Izveštaj ćemo podržati, ali osnovna zamjerka je da menadžment mora voditi računa o vlastitim prihodima i na tome raditi.

ALAN ŠERAK – vijećnik SDP-a

Kolega Handžić je većinu stvari rekao po pitanju Izveštaja ove naše javne ustanove koja bi trebala da, prije svega, vrši javnu funkciju, ali nažalost dotični direktor koji upravlja ovom ustanovom vrši svaku drugu funkciju, izuzev javne. Znao sam o čemu govorim i je li vam u interesu da se dodvoravate samo matičnoj stranci. Zamolit ću vas direktore i tražiti od vas ubuduće, sve dok ste na čelu te Javne ustanove, da shvatite da je to Javna ustanova "Kulturno sportski centar i Radio Ilijaš" građana Općine Ilijaša, a ne "Mahira Devića i Stranke demokratske akcije". Kada vam neka druga politička stranka nešto tražu u svom

političkom djelovanju i implementaciji određenih programa, onda od vas očekujem da se krajnje profesionalno ponašate i da objavite određene sadržaje koje od vas neko traži. Imali smo priliku da vidimo kako uskraćujete javni poziv ministru Kantona Sarajevo, a to je ministar svih građana Kantona, a ne jedne stranke. To što vama ne ide u prilog što se ministar pojavio na određenom mjestu, to je vaš problem, a ne naš. Uбудуće ćete te stvari raditi onako kako se to od vas zahtjeva.

Nekada sam izlagao neke stvari po pitanju dubioze zbog koje ste doveli ovu javnu ustanovu. Vi znate o čemu govorim. Sada ste mi sami potvrdili. Gdje je onih 45.000 KM koje smo vam mi dali, jer smo se tih sredstava odrekli u vašu korist i očekivao sam da ćemo u planu za 2016. godinu imati kapitalne izdatke u ustanovu od 45.000 KM. Gdje su ta sredstva? Ta sredstva se troše na saniranje dugovanja u proteklih deset godina kako vi upravljate tom ustanovom. To je činjenica. Objasnite ovo vezano za knjigovodstvene usluge: u 2014. godini 6500 KM, a u 2015. godini 2307 KM. Odkud taj debalans u cijeni? Pa to je zato što se ovdje radi o vraćanju duga knjigovodstvenoj agenciji "Hasul" iako imate svog računovođu.

Kada je u pitanju Radio Iljaš deklarativno se svi slažemo, sve političke stranke, da treba pokrenuti priču o privatizaciji ovog radija, ali niko da to pokrene taj odlučujući potez. SDP je spreman da otvori ovu priču i da vidimo sve pozitivne i negativne efekte po pitanju privatizacije Radio Iljaša.

Predložiti ću Zaključak da općinski načelnik formira radno tijelo koje će pripremiti širi elaborat i sagledati sve efekte po pitanju privatizacije Radio Iljaša. Rok neka bude godina dana, do slijedećeg Izvještaja o radu ove ustanove.

Očekujem odgovor na postavljena pitanja.

MAHIR DEVIĆ – zamjenik predsjedavajućeg

KV SDA će podržati ovaj Izvještaj uz određene stvari koje treba definisati, po nama, kroz Plan rada i aktivnosti za 2016. godinu. Prošle godine smo raspravljali o problemima koje imamo u ovoj ustanovi. Raspravljali smo objektivno o tematici naše JU KSC i Radio Iljaš i zaista tamo ima niz segmenata koji odgovaraju funkcijama na koje su postavljeni. Prije svega to je sportska dvorana koja polako počinje da se devastira i u koju bi trebalo jedno ozbiljnije ulaganje napraviti. Činjenica je da je kredit koji smo od strane općine podigli za ovu dvoranu u potpunosti opravdao sve one aktivnosti koje su se tamo dešavale, na dnevnoj bazi je ona puna. Konstatovali smo da tamo imamo problem sa grijanjem i cijenim da mi kroz plan rada trebamo menadžment obavezati da se to pitanje mora staviti ad acta i da to pitanje moramo riješiti sistemski na bazi elaborata, struke i da vidimo koliko to košta. Pomaka tamo ima koji su vidljivi i to ne možemo zanemariti i kada su u pitanju finansijski efekti. Istina jeste da je OV-e kroz budžet i antenski stub podržalo rad ove javne ustanove i ako se uzme u obzir ukupna situacija djelovanja i rada svih Javnih ustanova ovakvog tipa iz oblasti kulture i sporta i analiziramo na nivou Kantonu Sarajevo, kultura je uvijek skupa zajedno sa sportom i veoma mali broj ovakvih ustanova je u stanju da posluje pozitivno. Ja bih rekao da smo mi u ovom slučaju, kada je u pitanju ova ustanova, prilično likvidni i ako uporedimo našu Javnu ustanovu sa Javnom ustanovom u Vogošći i nekim drugim, vidjet ćemo da je tamo stanje daleko lošije. To ni na koji način ne abolira da trebamo obavezno riješiti pitanje grijanja u ovoj dvorani i da treba riješiti pitanje nekog ozbiljnijeg ulaganja u samu sportsku dvoranu, jer je došlo do nekih oštećenja.

Na Planu rada ćemo predložiti Zaključak da se ova vrsta priče uvrsti, a što se tiče Izvještaja mi ćemo ga podržati.

ENES DIZDAREVIĆ – samostalni vijećnik

Osvrnuo bih se na Manifestaciju "Ilijaški dani". Svaka manifestacija se održava da bi se na njoj profitiralo da bi općina imala i koristi, ali kada pogledamo izvještaj prihoda i rashoda vidimo da su Ilijaški dani u plusu nekih 483 KM zahvaljujući što je općina dala 5000 KM ili u minusu cca 4200 KM. U rashodima neke stvari mi nisu jasne. Npr. Tačka 11. nabavka prodajnih stolova 10 kom. Koji su to stolovi, da li su kome iznajmljuju ako znamo da svi koji zakupe prostor donesu i stolove i štandove? Želim pojašnjenje za ovo. Ako ćemo ovako poslovati sa nekim minusom, jer za mene je ovo minus, zato što je općina dotirala 5000 KM, predlažem da građane ne uznemiravamo sa galamom i muzikom i da ukinemo Ilijaške dane ako će ovako poslovati sa minusom i ako ne mogu doprinijeti u svom cilju.

BENIS FAZLIĆ – direktor JU "KSC i Radio Ilijaš"

Prije nego što krenem odgovarati, moram reći da mi jesmo Javna ustanova, ali i ne nešto treće. Zamolio bih vijećnike, sve što vam nije jasno i niste zadovoljni, vrata Javna ustanove su vam širom otvorena.

Kada su u pitanju stolovi, oni su kupljeni i oni se rentaju, što znači da u narednom periodu nećemo imati više tih troškova. Kada je u pitanju "galama", Općinsko vijeće je izrazilo interes.

Knjigovodstvene usluge – u ustanovi nastojimo da odražavamo i priđemo što bliže našim građanima. Imamo stanicu, facebook, ali nemojte očekivati da ti portali budu meta za "prepućavanje" ili ubiranje nekih sitnih političkih poena.

Kada su u pitanju zamjerke oko izvještavanja koje je pomenuo vijećnik Handžić i vijećnik Šerak, u radijskom izvještaju je preneseno i saopštenje SDP-a i preneseno je sve šta je ministar rekao. Možda se greškom omaklo da na facebook-u nije objavljeno, ali nije to "smak svijeta".

Povećanje plata nije bilo, a povećanje se odnosi na pripravnike i minuli rad.

Gorivo – znate kolika je teritorija Općine Ilijaš.

Reprezentacija – ako cijenite da ne treba imati reprezentaciju (tu su sokovi i kafe kada i vi gostujete u radiju).

Propagandni materijal – to se odnosi na banere i plakate za Ilijaške dane, a znate da izdajemo i Ilijaške novine i tu imamo troškova.

Povećanje iz budžeta – znate da sva sportska udruženja i sva kulturna udruženja sve u KSC-u koriste besplatno. Znači da to iziskuje određene troškove koje smo nastojali prikazati u ovom Izvještaju.

MUHAMED HANDŽIĆ – vijećnik BPS-Sefer Halilović

Poštovani direktore problem jeste u tome što vi vršite cenzuru programskih aktivnosti, vi i vaš menadžment. Niste mi odgovorili na to pitanje. To je jedno, a drugo, kažete šta očekujete od urednika radija, pa očekujem profesionalnost. Vi ste urednika radija koji je radio profesionalno smijenili i poslali u biblioteku sa obrazloženjem, ako nećete afirmativno raditi u svrhu SDA nećete biti tu. To je sramotno šta radite. Vršite mobing svojih radnika. Zbog toga je moj komentar i moja diskusija ovakva i na ovakav način za ovom vijećnicom. Još puno toga ima za reći. Ne možete se pozivati da ste napravili grešku, jer to nije prva greška kada se tiče emitovanja programskih aktivnosti. Ko vam je interesantan puštate ga da priča po tri sata i mislite da je to interesantno, a kada dođe neki zvaničnik koji vam ne odgovara vi to "kidate" i za njega nema ni minut i to je sramotno za Ilijaš, za izvršnu i zakonodavnu vlast.

ALAN ŠERAK – vijećnik SDP-a

Direktore niste objasnili cifre za knjigovodstvene usluge. Drugo, gdje ste utrošili 45.000 KM koje ste inkasirali od antenskog stuba na Karašnici. Opet ću ponoviti, svake godine smo pozitivni, evo i ove godine. Ja sam očekivao, kad ste bili pozitivni, sada sa dodatnih 45.000 KM počnete nešto raditi na adaptaciji objekta. Ne radite. Vratit ćemo se na ono da sam bio upravu kada sam govorio da ova ustanova ima preko 150.000 KM obaveza i ne znam da li ste uspjeli nešto sanirati.

BENIS FAZLIĆ – direktor JU "KSC i Radio Ilijaš"

Pitanje vijećnika Handžića – obzirom da se radi o mom uposleniku, nije korektno da javno to ovdje iznosim i molim vijećnika da dođe kod mene u kancelariju i da vidi o čemu se radi. Knjigovodstvene usluge – ovih 6500 KM je bio dug iz 2013. i on se u 2014. godini povećao. U 2015. godini došlo je do sniženja usluga knjigovodstvenog servisa Radio Ilijašu.

Ovih 45.000 KM od antenskog stuba Karašnica imate u Izvještaju.

MAHIR DEVIĆ – zamjenik predsjedavajućeg

Nama se često dešava da nećemo da pogledamo malo širu sliku. Razumijem da se nalazimo u vremenu predizborne kampanje, ali generalno bi trebalo da povedemo računa o objektivnim stvarima. Činjenica su slijedeće stvari ovdje, a to je da smo budžetski stali uz našu Javnu upravu i tako i treba i imamo još jednu našu Javnu ustanovu, a to je Vodostan, a s druge strane je da je tamo došlo do određenih pomaka i treba raditi dalje da se stanje poboljšava. Uvijek se može naći i neka primjedba, ali generalno opći dojam je da je menadžment te Javne ustanove i Upravni i Nadzorni odbor imao našu podršku i da su napravili iskorak naprijed, a ne nazad. U izbornoj godini uvijek možemo naći bilo šta i stavljati na ovu ili onu adresu i praviti situacije, ali objektivno treba procijeniti situaciju. Cijenim da ovaj Izvještaj treba podržati, jer stanje je tamo takvo da može se reći da je zadovoljavajuće sa tendencijom da se ide naprijed.

Metodološki Izvještaj je urađen po svim standardima, ali uvijek se može naći neka primjedba, ali opći dojam je da Izvještaj treba prihvatiti, a predizborne kampanje ostaviti za vrijeme koje će doći za to.

MUHAMED HANDŽIĆ – vijećnik BPS-Sefer Halilović (replika)

Kolega Mahire, u ovaj "rupi" sigurno ne pravimo nikakvu predizbornu kampanju, ne pravim posebno kampanju pred medijima koji se čuju 100 m od ove zgrade, jer toliko smo obezbjedili kapacitete i frekvencije tom mediju. Sve ovo ne radimo zbog kampanje. Što se tiče Izvještaja, niko vama ne brani, jer i do sada ste podržali slične izvještaje, ali ja sam prokomentarisao ovaj Izvještaj, jer mnogi nisu ni pročitali ovaj Izvještaj, a oni koji su pročitali i podržat će ga, neka vide gdje su.

AKIF FAZLIĆ – općinski načelnik

Pozivam vas sve da pristupimo objektivnoj ocjeni i sagledavanja ovog Izvještaja. Materijal koji ste dobili daje prostora da se može dati objektivna ocjena o radu naše Javne ustanove u prošloj godini. Taj Izvještaj ima tri segmenta i treba ih tako posložiti. Jedan je izvještaj o radu, drugi je finansijski izvještaj i treći segment je uređivačka politika. Ovdje se, čini mi se,

najviše spoticalo oko uređivačke politike i želim sve nas podsjetiti da uređivačku politiku ne vodi ni načelnik niti Općinsko vijeće nego uređivačko vijeće kako je RAK propisao i naša Javna ustanova ima uređivačko vijeće koje vodi politiku uređivanja da bi izbjegli sve vrste politizacije i priča. Naravno, mi imamo prostora da djelujemo, ali kada ocjenjujemo Izvještaj o radu nemojmo da pod tim tenzijama neke uređivačke politike gledamo Izvještaj, nego da se oslobodimo toga i kažemo objektivno šta je to Izvještaj za 2015. godinu. Kada ga sagledate, ja nisam ulazio u strukturu troškova, a ovo što je Muhamed govorio ima pravo da mu se daju obrazloženja za pojedine finansijske pozicije, ali generalno, ja kao ispred osnivača, za mene su najbitnije ove zadnje stavke. Ove stavke pokazuju da je preduzeće potpuno finansijski stabilno i likvidno. Znači, imalo je više prihoda u odnosu na rashode, a potraživanja i obaveze su izjednačene. Dakle, to je dalo finansijski okvir preduzeću da možda još nešto i dodatno radu u prošloj godini. E sada je tu taj drugi dio, Izvještaj o radu. Znači, kako je radio i ja dajem neke primjedbe koje treba definitivno otkloniti. Kada je u pitanju radio, biblioteka, kultura, web stranica, svi smo svjedoci tih pomaka. Ono što svi znamo i govorimo, jeste pitanje boljeg funkcionisanja sportske dvorane. Ali i tu treba dati objektivnu stvar. Dvorana funkcionise deset godina bez ikakvog ulaganja i zaštite. Dvorana funkcionise po principu da se svim klubovima daje besplatno 1500 termina, dvorana funkcionise sa ogromnom depresijom na broj zaposlenih. Ne može funkcionisati efikasno sa onim brojem zaposlenih. Mi moramo donijeti neke svoje projekte ciljeve kakvu dvoranu želimo, ali to podrazumijeva i troškove. Menadžment treba izaći sa prijedlozima funkcioniranja dvorane. Da li je to da uvedemo naplatu za sve korisnike termina? Zaista moramo riješiti pitanje optimalnog broja ljudi koji mogu voditi i održavati dvoranu. Kada sve ovo sagledamo ovaj Izvještaj treba dobiti pozitivnu ocjenu uz sve ove zaključke ili preporuke ili je možda najbolje da ovo uđe u Plan za ovu godinu koji treba da bude obaveza menadžmenta i uprave i da ih realiziraju. Sve ostale stvari tu su da se rješavaju u kontinuitetu.

ALAN ŠERAK – vijećnik SDP-a (replika)

Samo da pojasnim neke stvari. Načelnik je sve ovo jako lijepo upakovao i pitanje likvidnosti i pitanje uređivačkog vijeća. Za vašu informaciju načelniče, lično sam zvao direktora JU "KSC i Radio Ilijaš" i insistirao od njega da se ono o čemu smo već govorili objavi na portalu Radio Ilijaša, a on je rekao "ja ću to odlučiti". Je li to "uređivačka politika, uređivačko vijeće". Po pitanju likvidnosti koju ste načelniče pominjali, da se ne lažemo, jer dobro znate sutra se može zatvoriti račun našoj Javnoj ustanovi. Međutim, politika je takva da neće da pokrenu određene procese. Dakle, nije likvidan u onoj mjeri kako želite da predstavite. Recite jednom otvoreno da imamo problema sa KSC-om, imamo ogromna dugovanja po pitanju KSC-a.

Činjece su načelniče jedno i smatram da se konačno svi trebamo uhvatiti u koštac sa problemom koji se zove urušavanja KSC-a. Dao sam prijedlog po pitanju Radio Ilijaša i po prijedlogu Zaključka da se izjasnimo.

DAMIR FILIPOVIĆ – predsjedavajući

Zaključio je raspravu po ovoj tački dnevnog reda i dao pauzu od deset minuta.
Puaza od 11:25-11:35 h

Nakon pauze diskutirano po ovoj tački dnevnog reda više nije bilo, pa je Općinsko vijeće Ilijaš sa 16 glasova ZA, 3 PROTIV i 2 UZDRŽANA usvojilo

Izveštaj o radu i finansijskom poslovanju za 2015. godinu Javne ustanove "KULTURNO-SPORTSKI CENTAR I RADIO ILIJAŠ" sa izveštajem manifestacije "Ilijaški dani 2015" i Izveštajem o održavanju i finansijskim efektima antenskog stuba Karašnica

DAMIR FILIPOVIĆ – predsjedavajući

Prijedlog zaključka Alana Šeraka je da općinski načelnik formira Radno tijelo koje će ocijeniti da li treba privatizovati Radio Ilijaš i da sačini elaborat do slijedećeg Izveštaja JU "KSC i Radio Ilijaš".

MAHIR DEVIĆ – zamjenik predsjedavajućeg

Mislim da bi bilo dobro da saslušamo načelnika i da vidimo šta možemo uraditi po pitanju ovog Zaključka.

AKIF FAZLIĆ – općinski načelnik

Predlažem da se zaključak malo redefiniše. Mislim da je bolje nadležnim tijelima Javne ustanove prenesemo šta mi želimo. Znači, da se prenese Upravnom odboru i menadžmentu. Znači, ne treba novo Radno tijelo ili Komisija. Drugo, da sada definišemo stav upravnom tijelu pitanje izrade elaborata o privatizacija Radio Ilijaša i broj dva izrada elaborata o energetske efikasnosti dvorane, odnosno upravljanja dvorane. Sa ova dva Zaključka da obavežemo Upravni odbor i menadžment da to pripreme za period koji kažete ovom Vijeću. Mislim da bi to bilo efikasnije da provedemo ono što želimo.

ALAN ŠERAK – vijećnik SDP-a

Drugi Zaključak koji je načelnik predložio o energetske efikasnosti podržavam. Bojim se načelnice da u vašem prijedlogu već znam ishod njihovog mišljenja. Ja bih ipak nekoga iz službe predložio, nekoga ispred općine.

MAHIR DEVIĆ – zamjenik predsjedavajućeg

Predlažem da pod tačkom Plan rada usvojimo ove Zaključke koje je načelnik predložio, a da Alan povuče svoj prijedlog zaključka.

ALAN ŠERAK – vijećnik SDP-a (replika)

Naravno da se ne treba to da tiče Plana rada u idućoj godini. Neka ide Zaključak kako sam predložio, s tim da nismo isključivi, neka to bude Upravni odbor s tim da se neko predloži iz općinske službe, evo npr. Sanja koja je bila nekada u Upravnom odboru i poznaje situaciju tamo. Znači, to radno tijelo neka čini upravni odbor, menadžment i Sanja i neka naprave širu elaboraciju po pitanju privatizacije Radio Ilijaša i isto tako vezano za dvoranu i da izglasamo taj Zaključak.

MAHIR DEVIĆ – zamjenik predsjedavajućeg

Ako idemo u pravcu onoga što je načelnik predložio, onda ovu vrstu aktivnosti će provoditi Upravni odbor zajedno sa menadžmentom, te iz tog razloga nema potrebe da sada glasamo, nego ćemo to dodati kao dvije tačke na Plan rada za 2016.godinu i usvojiti taj

Plan rada i to je proceduralno. Alan treba da povuče svoj prijedlog zaključka. To je put ako ćemo kako treba.

DAMIR FILIPOVIĆ – predsjedavajući

Dao je pauzu od pet minuta.

Pauza 11:55-12:00 h

Nakon pauze sjednicom je predsjedavajo Mahir Dević – zamjenik predsjedavajućeg

ALAN ŠERAK – vijećnik SDP-a

Neka to radi menadžment zajedno sa Upravnim odborom, a da rok bude šest mjeseci.

MAHIR DEVIĆ – predsjedavajući

Predlažem da to ubacimo u Plan kao plansku aktivnost Upravnog odbora, jer to treba da radi Upravni odbor. Znači, kolega Alan da povuče svoj prijedlog Zaključka i da pređemo na narednu tačku dnevnog reda.

ALAN ŠERAK – vijećnik SDP-a

U čemu je sada razlika?

MAHIR DEVIĆ – predsjedavajući

Razlika je tome da imamo nadležnost Upravnog odbora i ako to oni rade to treba definisati Planom njihovog rada, a ako Općinsko vijeće formira novo Radno tijelo, a odustali smo od formiranja novog Radnog tijela i nema potrebe da glasamo zaključkom, nego ćemo to ubaciti u tačku dnevnog reda koja dolazi. Znači, amandmanom to možemo dodati.

Konstatovao je da je vijećnik Alan Šerak odustao od svog prijedloga zaključka.

AD-4

Prijedlog Odluke o davanju saglasnosti na Plan rada Javne ustanove "KULTURNO-SPORTSKI CENTAR I RADIO ILIJAŠ" za 2016. godinu

ALAN ŠERAK – vijećnik SDP-a

Jeste li obuhvatili sve planirane fiksne troškove za one koje znate, odnosno vaše obaveze u ovoj godini za koji predlažete vaš Plan?

MUHAMED HANDŽIĆ – vijećnik BPS-Sefer Halilović

Ovdje imamo poređenje Plana iz 2015. na 2016. godinu i vidimo da su redovna budžetska sredstva Općine Ilijaš su povećana za 10.000 KM i tražim obrazloženje zbog čega. Tražim i obrazloženje za bruto plate 15.000 KM ili 15%, samo nemojte reći da su obuhvaćeni pripravnici, jer postoji budžet iz kog će se pripravnici finansirati. Povećanjem plata vidimo da je povećan i porez na plate za 1000 KM. Neke ugovorene usluge su povećane za 25%. troškovi električne energije povećani na 18.000, a prije su bili 15.000 KM. Troškovi

oglašavanja povećani za 40%, izdaci tekućeg održavanja sa 500 KM na 1000 KM, a kapitalna ulaganja ste smanjili za 150%. Tražim objašnjenja za ove stavke koje sam naveo.

Obzirom da se od vijećnika više niko nije javi za diskusiju, predsjedavajući je zaključio raspravu i riječ dao direktoru JU "KSC i Radio Ilijaš".

BENIS FAZLIĆ – direktor JU "KSC i Radio Ilijaš"

Svi troškovi su planirani i mi ekonomisti planiramo da će biti bolje i da će biti više i u tom pravcu je i pravljen i ovaj Plan.

Što se tiče pitanja vijećnika Handžića, pa ne mislite da ću smanjiti dotaciju od 10.000 KM. Što se tiče povećanja bruto plana, ustanova broji 13 uposlenika i svake godine se za 0,5 povećava minuli rad i to morate ukalkulisati, a planiran je jedan pripravnik i to je trošak, a vidjet ćemo da li će biti.

Kada su u pitanju ugovorene usluge, očekujemo da bude taj iznos, a on može biti 10% veći ili 10% manji. Troškovi struje, kada je u pitanju sportska dvorana imamo noćne termine, noćne utakmice i znate da u zimskom periodu to utiče na rast troškova struje. Kada je u pitanju oglašavanje, nismo odustali ni od izdavanja novina i planiramo organizaciju Ilijaških dana. Izdaci tekućeg održavanja - dosta oštećenja ima u dvorani (oštećeni vodokotliči, tuš baterije, treba vrata mijenjati,...). Kada su u pitanju kapitalni izdaci planirali smo farbanje antenskog stuba, a dio sredstava imamo za sanaciju krova sportske dvorane koja na tri mjesta prokišnjava.

MAHIR DEVIĆ – predsjedavajući

Dao je na glasanje predmetnu tačku uz amandman koji glasi da u roku od 90 dana upravni odbor, zajedno sa menadžmentom JU "KSC i Radio Ilijaš" izradi:

- a) projektno rješenje adekvatnog zagrijavanja i energetske efikasnosti sportske dvorane
- b) elaborat o opravdanosti pokretanja procedure privatizacije Radio Ilijaša

i iste u roku od 90 dana dostave Općinskom vijeću Ilijaš na usvajanje.

Općinsko vijeće Ilijaš je sa 21 glasom ZA i 1 UZDRŽANIM usvojilo

Odluku o davanju saglasnosti na Plan rada Javne ustanove "KULTURNO-SPORTSKI CENTAR I RADIO ILIJAŠ" za 2016. godinu

sa navedenim amandmanima koji su sastavni dio Plana rada Javne ustanove "KULTURNO-SPORTSKI CENTAR I RADIO ILIJAŠ" za 2016. godinu

AD-5

Izveštaj o izvršenju Budžeta Općine Ilijaš za period 01.01.-31.12.2015. godine

MERIMA OSMANOVIĆ – pomoćnica načelnika za privredu, finansije i investicije

Za izvještajni period 01.01.do 31.12.2015 Budžet općine Ilijaš je ostvario 9.227.643,00 KM prihoda i primitka, što je 87 % od planiranih prihoda u Budžetu za 2015. godinu. Ostvareni izdaci su 9.177.800,00 KM, što predstavlja 86 % od planiranih izdataka u

Prema tome ostvaren je suficit u iznosu od 49.843,00 KM

Porezni prihodi u izvještajnom periodu su ostvareni u iznosu od 4.592.866,00 KM ili 103%. Radi se o prihodima po osnovu poreza na prihod od imovine i imovinskih prava, poreza na nepokretnosti i prava, prihodi po osnovu indirektnih poreza, porez na dohodak i ostali porezi.

Kada se tiče neporeznih prihoda, u odnosu na ukupne prihode su ostvareni u procentu od 103 % ili 2.051.852,00 KM što je za 9 % manje u odnosu na prošlu godinu. U ukupnoj strukturi ovih prihoda najveći prihodi su ostvareni po osnovu ostalih prihoda od imovine, administrativne i komunalne takse i prihoda po osnovu pružanja javnih usluga.

Tekući transferi su ostvareni u iznosu od 993.786,00 KM što u odnosu na plan i predstavlja izvršenje od 92 %. Kada su u pitanju transferi kantona ostvareni su :

Redovni tekući transferi od KS ostvareni u iznosu od: 200.000,00 KM

Dok su transferi za posebne namjene iznosili 793.786,00 KM.

Prihodi po osnovu transfera za posebne namjene ostvareni: 392.575,00KM od Ministarstva za boračka pitanja za boračku populaciju po osnovu Zakona o dopunskim pravima boraca, prihodi od Ministarstva obrazovanja Kantona Sarajevo u iznosu od: 401.211,00 KM, a odnose se na subvencioniranje prevoza učenika osnovnih i srednjih škola, prihodi od Ministarstva privrede Kantona Sarajevo u iznosu od 120.027,00 KM, a odnose se na uređenje riječnih korita Misoča i Rače, prihodi od Ministarstva komunalne privrede i infrastrukture u za projekte utopljanja zgrade Općine Ilijaš u iznosu od 50.000,00KM i izgradnju kanalizacija u industrijskoj zoni Luke i naseljima Kadarići, Ljubinići u iznosu od 446.025,00 KM. Ministarstva zdrastva za nadogradnju doma zdravlja u iznosu od 37.918,00 KM i Ministarstva saobraćaja 150.000,00 KM za izgradnju parkinga. Tekući transferi od FBiH ostvareni su u iznosu od 117.451,00 KM a odnose se na Sufinansiranje krova OŠ Podlugovi, Put za industrijsku zonu Luke, stari grad Dubrovnik i izmještanje stećaka Čevljanovići.

Zatim primljeni grantovi općina u iznosu od 35.000,00 KM Općina Centar 5.000,00, i Novi Grad po 30.000,00 KM za finansiranje izgradnje puteva u Naselju Bioča.

Kapitalni primici od prodaje zemljišta ostvareni su u iznosu od 574.770,00 KM što predstavlja 64 % od plana Budžeta.

Kada se tiče rashodovne strane Bruto plaće i naknade uposlenim izvršene su u iznosu od 1.607.299,00 KM i predstavlja 94 % planiranih sredstava na godišnjem nivou dok su doprinosi poslodavaca ostvareni u okviru planiranih sredstava na godišnjem nivou.

Izdaci za materijal i usluge izvršeni su u iznosu od 826.598,00 KM što je 89 % planiranih sredstava na godišnjem nivou.

Kada se tiče pozicije tekući transferi, evidentirani su izdaci u iznosu od 2.097.596,00 KM što procentualno iznosi 97 % u odnosu na plan a u odnosu na prolu godinu povećanje je za 4 %.

Kapitalni transferi i izdaci su ostvareni u iznosu od 4.407.250,00 KM što je 79 % od planiranog godišnjeg iznosa. Analitička struktura ovih izdataka, a kojeg čine projekti izgradnje kanalizacija, infrastrukturni projekti po MZ, uređenje vodotoka, iz oblasti vodosnabdijevanja, objekti školstva, sporta, kulture, projekti rekonstrukcije cesta i mostova, investiciono održavanje cesta i mostova, sanacije klizišta, vjerski objekti i objekti kulturno-historijskog nasljeđa , što je sve detaljno prikazano kroz Izvještaj.

Budžetska rezerva planirana utrošena u iznosu od 68.069,00 KM i to za rješavanje stambenog zbrinjavanja, pomoći u liječenju, nabavku sadnog materijala za drvored u Industrijskoj zoni Željezara i dr.iskorištena sa 99.75 % .

Smatramo da su ovim Budžetom realizovani svi ključni planski zadaci, a posebno svakako zavrjeđuje pažnju dio Budžeta koji se odnosi na kapitalne transfere i izdatke kroz koje su realizovani brojni projekti koji su omogućili rješavanje brojnih problema i koji doprinose

poboljšanju uslova i ugodnijeg življenja u općini Ilijaš.

MUHAMED HANDŽIĆ – vijećnik BPS-Sefer Halilović

Neke stvari nisu mi jasne i zamolio bih obrazloženje. Zimsko održavanje puteva 205.000 KM je planirano, odnosno isplaćeno za četiri puta koliko su izlazili na teren. Mislim da ova cifra nije uredi. Dalje, kazali ste da smo od Općine Novi Grad dobili 30.000 KM i da su ta sredstva utrošena u izgradnju puteva u Bioči. Dobili smo izvještaj da je ovaj put finansirala Direkcija za ceste sa 100.000 KM i Općina Ilijaš sa 50.000 KM, a nigdje nisam našao tih 30.000 KM od Općine Novi Grad. Ovo objašnjenje tražim radi građana, jer oni znaju da je Općina Novi Grad dala ova sredstva u ove svrhe.

Pitanje koje sam na prošloj sjednici Vijeća postavio, a i dobar dio vijećnika SDA, a to je kontrola utroška budžetskih sredstava. Razgovarao sam sa načelnikom i čini mi se da nam sve ovo ne ide u prilog.

Na moje pitanje dobio sam "veliko" obrazloženje netačnih podataka zašto je to tako. To je izvještaj firme nadzor "Arting" koja nas uvjerava da su oni vršili nadzor nad svim radovima koje je vršila firma "Halilović", odnosno koji su od interesa za Općinu Ilijaš na našoj općini. Ja vas uvjeravam da nisu, a uvjerit ću vas onog momenta kada izađemo na teren i da vidite da nisu vršili nadzor na sedam mjesnih zajednica (ono što ja znam) i nikada ih niko nije upoznao. Ovo je fiktivno potpisivanje Izvještaja o završenim radovima. Ovo sve što sam dobio u odgovorima je netačno.

Sve ovo iznosim zbog nas samih koji usvajamo Izvještaje i donosimo odluke i potpisujemo ovo što se radi na terenu. Molim još jednom da ispred Općine Ilijaš imamo jedan operativni tim koji će raditi na kontroli kvaliteta radova koje vrše firme za našu općinu.

MERIMA OSMANOVIĆ – pomoćnica načelnika za privredu, finansije i investicije

Kada su u pitanju sredstva koja je Općina Ilijaš dobila od Općine Novi Grad rekla sam da su evidentirana kao grant Općine Novi Grad u iznosu 30.000 KM i grant od Općine Centar u iznosu od 5.000 KM. Dakle, to su sredstva koja su doznačena na naš račun i mi smo ih utrošili za rekonstrukciju puteva. Pored ostalog, bilo je učešće Direkcije i Općine Ilijaš, ali su ova sredstva evidentirana i doznačena kao grant Općini Ilijaš i ona su na taj način evidentirana kroz naš Budžet.

Što se tiče zimskog održavanja, firma koja prođe na javnom pozivu za zimsko održavanje puteva, a takav je princip kod sviju, angažuje svoje mašine, svoje radnike, kao stalne dežure kada ima snijega i za taj dio dežure angažovanja sredstava i radnika, firmama se moraju platiti sredstva. Kolegica iz službe za prostorno uređenje i stambeno-komunalne poslove je tu i zna na koji način se to obračunava. Drugačiji način fakturisanja obračuna je kada se angažuju mašine kada imamo velike padavine. Te fakture i račune potpisuje nadležna služba, a služba za privredu, finansije i investicije u skladu sa računovodstvenim standarima prati ispravnost faktura i računa i vodi računa da se ti iznosi kreću u okviru onoga što je planirano u Budžetu i vodi računa da je svaka faktura potpisana od strane nadzora i resorne službe koja vodi projekat.

ALAN ŠERAK – vijećnik SDP-a

Muhamed Handžić se sistemski bavi nečim što se zove zimsko održavanjem cesta i to je dobro, ali čisto da razjasnimo šta su nesuglasice i da pojasnimo određene stvari. Zvanično ću od vas zatražiti da nam za slijedeću sjednicu Općinskog vijeća dostavite Izvještaj o novčanim tokovima po pitanju plaćanja faktura prispjelim od strane izvođača radova na

zimskom održavanju cesta. Da vidimo kada i zašto je to plaćeno i da li su opravdana sredstva od 205.000 KM.

Ono što me zanima, a Selver Herić je tražio na prvoj tački dnevnog reda, a to je rad boračkih udruženja. Vidimo da smo cca 100.000 KM izdvojili za njihov rad (redovan rad i aplikacije programa). Nije mi jasno kako jedno udruženje u odnosu na drugo može da košta cca 11.000 KM, a drugo 6.000 KM. Volio bih da mi neko pojašni šta je to njihovo funkcionisanje, šta je to njihov rad? Očito je da su ova udruženja davno postala svrha samom sebi. Došlo je do toga da se ova udruženja ne bave ničim, osim onog koliko će sredstava dobiti iz Budžeta.

Nadam se da će konačno neko doći u ovu općinu i uvesti reda kada je u pitanju rad ovih udruženja. Mi dižemo kredit da napravimo trg u gradu, a ovim udruženjima svake godine dajemo toliko sredstava.

Kada su u pitanju sportska udruženja, imam informacija da nadležna Komisija na neki način reketira sportska udruženja u smislu "dajte neki dinar da vam povećamo prijedlog Budžeta".

MAHIR DEVIĆ – predsjedavajući

Nemam ništa protiv da dajete bilo kakvu vrstu ocjena, ali dajte da se držimo dnevnog reda. Optužbe koje iznosite su izuzetno teške spram nekih ljudi. Ako nešto imate protiv njih postoji način kako to uraditi. Cijelo vrijeme "šetate" po tački dnevnog reda i ja neću da vas prekidam. Nismo na tački vijećnička pitanja i inicijative. Neka vam pomoćnica načelnika odgovori i nemojte širiti priču tamo gdje joj nije mjesto.

ALAN ŠERAK – vijećnik SDP-a

Ja se itekako držim tačke dnevnog reda koja se zove Izvještaj o izvršenju budžeta za Općine Ilijaš za period 01.01.-31.12.2015. godine. Raspravljam o utrošku naših sredstava. Znači, tražim za iduću sjednicu da mi se dostave Izvještaji o radu svih sportskih udruženja, pa da vidimo ko to daje stipendiju djeci, a dio tih stipendija završi kod predsjednika kluba. Što se tiče BZK "Preporod" i plaćanja troškova za njihov odlazak u Njemačku i sl. mislim da to nije nikakav javni interes općine i to sam davno govorio. Oni nastupaju i zarađuju pare koje stavljaju u svoj džep, a ne na račun udruženja koje se zove "Preporod".

MERIMA OSMANOVIĆ – pomoćnica načelnika za privredu, finansije i investicije

Služba za privredu, finansije i investicije transfer sredstava svim udruženjima (sportskim i boračkim) vrši na osnovu odluka o raspodjeli koju donesu Komisije Općinskog vijeća gdje političke partije imaju svoje predstavnike u tim Komisijama. Znači, služba za privredu i finansije samo transferiše na osnovu tih odluka.

Nadležnost Službe za privredu, finansije i investicije nije da prati kvalitet rada udruženja.

MAHIR DEVIĆ – predsjedavajući

Neka se dostave Izvještaji koje vijećnici traže, a na kraju krajeva mi imamo te izvještaje i informacije pa vi to pregledajte, pretresite i poduzmite aktivnosti.

MUHAMED HANDŽIĆ – vijećnik BPS-Sefer Halilović (replika)

Kada ste rekli da tražimo izvještaj, evo ja sam dobio izvještaj nadzora na pedest stranica

koji nije uredu i lažni je. Molim nadležnu općinsku službu da pokrene postupak protiv mene ili protiv nadzora. Protiv mene, ako lažem, a protiv nadzora ako nije uradio svoj posao, a mi smo mu platili.

Znači, dobio sam odgovor i šta dalje. Je li ovaj odgovor treba da završi mom stolu, džepu li bilo gdje i da ne znaju ni građani, ni općina i nastaviti ćemo i dalje praksu i trošiti ćemo budžetska sredstva koja nisu naša, nego su ovo sredstva građana koji plaćaju PDV.

Diskutanata po ovoj tački dnevnog reda više nije bilo, pa je Općinsko vijeće Ilijaš sa 22 glasa ZA, 1 PROTIV i 1 UZDRŽANIM usvojilo

Izveštaj o izvršenju Budžeta Općine Ilijaš za period 01.01.-31.12.2015. godine

Sjednicu dalje nastavlja voditi Damir Filipović – predsjedavajući

AD-6

Prijedlog Odluke o pristupanju izradi Regulacionog plana
"Apartmansko naselje Sovrle 1"-Ilijaš

MELIHA AVDIBEGOVIĆ – pomoćnica načelnika za prostorno uređenje i stambeno-komunalne poslove

Kao i do sada sve predložene lokacije za izgradnju apartmanskih naselja, odnosno stambenih objekata dostavljaju se na mišljenje Zavodu za planiranje razvoja Kantona Sarajevo, definiše se kroz mišljenje izrada provedbenog akta i ovo je daljnji postupak Odluka o pristupanju provedbenog plana, a to je Regulacioni plan "Apartmansko naselje Sovrle 1"-Ilijaš površine 1ha kojim će se definisati prostor, broj stambenih objekata i ostalih potrebnih objekata (saobraćajnice, zelene površine, društvena infrastruktura ako je potrebna). Kroz Odluku su definisani rokovi izrade Plana i način finansiranja Plana. Ove regulacione provedbene planove finansira investitor i općina nema nikakve finansijske obaveze za izradu plana. Sve ostalo, kako će to naselje izgledati, definisati će se kroz Plan, a proceduru donošenja regulacionog plana mislim da svi znate. Ide koncept, nacrt, javna rasprava, prijedlog i usvajanje Plana.

MARIONETA ILIĆ-JURETA – vijećnica SDP-a

Koliko vidim ovdje je naveden broj stambenih jedinica, prizemlje, sprat i potkrovlje, a ne vidim niti jednu stambeno-poslovnu jedinicu. Kako je pričano u ovim našim novim apartmanskim naseljima je predviđeno da se ljudi zaposle, da tu ima obdanište, trgovine, kafići itd. Ovdje to nigdje ne vidim da je planirano da bi se neko mogao zaposliti i voljela bih kada bi ste se prije bilo kakvog plana i odluke konsultovali sa lokalnim stanovništvom.

MUHAMED HANDŽIĆ – vijećnik BPS-Sefer Halilović

Obzirom da već imamo ružno iskustvo s apartmanskim naseljima, a već sam to jednom govorio i ne bi bilo loše da se i sada kaže. Evo, hektar poljoprivrednog zemljišta u urbanom dijelu Ilijaša da tako lako damo za izgradnju apartmanskih naselja koja se samo tako zovu, nekim ljudima koje nikada nismo vidjeli niti ćemo vidjeti, jer su napravili ograde i stavili kapije i mogu ući oni samo sa odobrenjem i kojima smo obezbjedili svu infrastrukturu i rasvjetu koju plaćaju građani Kantona Sarajevo i mi to sve radimo ovdje, dignemo dva prsta i ode poljoprivredno zemljište u građevinsko nekim neznancima koji dolaze ovdje, a

jednom sam već govorio da kada je u pitanju demobilisani borac svu infrastrukturu i papirologiju obezbjediti i onda mu se kaže da ne može graditi, jer ima ovih ili onih problema. On ne može napraviti kuću 6x7 m, a ovima možemo obezbjediti sve. Svaka vam čast na toma.

MELIHA AVDIBEGOVIĆ – pomoćnica načelnika za prostorno uređenje i stambeno-komunalne poslove

Pretpostavljam da znate proceduru donošenja Plana. Znači, ovo je Odluka o pristupanju izradi Plana. Odlukom se definiše šta bi trebalo da bude. Procedura postoji i tačna namjena površina definisat će se prvo konceptom, pa nacrtom plana koji ćete usvojiti ili nećete usvojiti, pa će biti javna rasprava gdje će biti pozvani građani kao i uvijek, javna rasprava traje najmanje mjesec dana, a poslije toga ide usvajanje Plana. Ovo je Odluka o pristupanju izradi Plana, a sve daljnje definisat će se Planom.

Kada su u pitanju pojedinačni zahtjevi, ja ne znam da naši građani imaju problem sa izgradnjom individualnih problema. Ja, kao rukovodilac službe kažem da nemaju problema, a imaju zato što naši građani ne ispoštuju određene rokove i ne ispoštuju ono što Zakon kaže.

Mi još niti jedan Regulacioni plan za apartmansko naselje niste usvojili, sve je u proceduri.

Diskutanata po ovoj tački dnevnog reda više nije bilo, pa je Općinsko vijeće glasalo sa 11 glasova ZA, 10 PROTIV i 2 UZDRŽANA.

Konstatovano je da navedena tačka nije dobila potrebnu većinu, te tako nije ni usvojena.

AD-7

Prijedlog Izmjene i dopune Odluke o pristupanju izradi Regulacionog plana "Stari Ilijaš"

Diskutanata po ovoj tački dnevnog reda nije bilo, pa je Općinsko vijeće jednoglasno donijelo

Izmjene i dopune Odluke o pristupanju izradi Regulacionog plana "Stari Ilijaš"

AD-8

Prijedlog Odluke o davanju saglasnosti na plan utroška namjenskih sredstava prikupljenih od naknada za korištenje državnih šuma

ALAN ŠERAK – vijećnik SDP-a

Želim postaviti jedno pitanje. Naime, imam informaciju da vijećnik Rasim Šehić priča po Crnoj Rijeci kako će im SDA ovo uraditi. Zamolit ću vas da nam kažete hoće li to vaša stranka raditi, ili su ovo ipak sredstva koja su dobivena od naknade u vezi korištenja državnih šuma? Čisto da pojasnte ovim ljudima gore da ne budu u zabludi.

BESIM GLJIVA – vijećnik Stranke za Srednje

U svakom slučaju je za pozdraviti što su ova namjenska sredstva uložena u puteve u mjestima odakle je eksploatisana šuma. Međutim, moramo reći da je ovo minimum minimuma onoga što je uloženo i što se ulaže što se tiče šuma. Ja sam najveći protivnik sječe i devastacije šuma na gornjem području. Želim pitati službu da li Sarajevo-šume

imaju još dugovanja po ovom osnovu i ako nam već duguju, možemo li mi kompenzirati da i u budućnosti to budu namjenska sredstva tj. da se putevi prave tamo odakle se šuma izvozi?

MERIMA OSMANOVIĆ – pomoćnica načelnika za privredu, finansije i investicije

Ova sredstva od Sarajevo-šuma se uplaćuju na osnovu sporazuma koji je potpisan od strane Sarajevo-šuma i općinskog načelnika. Trenutno je na snazi sporazum iz 2014. godine i sredstva se uplaćuju mjesečno do 15. u mjesecu u iznosu koji je utvrđen na godišnjem nivou podijeljena u 12 rata i ona se uplaćuju redovno, s tim što sredstva iz 2015. godine koja su dugujuća će se realizovati novim sporazumom kada se realizuje sporazum iz 2014. godine.

Diskutanata po ovoj tački dnevnog reda više nije bilo, pa je Općinsko vijeće jednoglasno donijelo

Odluku o davanju saglasnosti na plan utroška namjenskih sredstava prikupljenih od naknada za korištenje državnih šuma

AD-9

Prijedlog Odluke o davanju mišljenja i saglasnosti Kantonu Sarajevo na Prijedlog Zakona o komunalnoj čistoći

Diskutanata po ovoj tački dnevnog reda nije bilo, pa je Općinsko vijeće jednoglasno donijelo

Odluku o davanju mišljenja i saglasnosti Kantonu Sarajevo na Prijedlog Zakona o komunalnoj čistoći

AD-10

Prijedlog Odluke o davanju mišljenja i saglasnosti Kantonu Sarajevo na Prijedlog Zakona o komunalnim djelatnostima

Diskutanata po ovoj tački dnevnog reda nije bilo, pa je Općinsko vijeće jednoglasno donijelo

Odluku o davanju mišljenja i saglasnosti Kantonu Sarajevo na Prijedlog Zakona o komunalnim djelatnostima

AD-11

Prijedlog Odluke o načinu i uslovima neposredne zamjene građevinskog zemljišta

Diskutanata po ovoj tački dnevnog reda nije bilo, pa je Općinsko vijeće jednoglasno donijelo

Odluku o načinu i uslovima neposredne zamjene građevinskog zemljišta

AD-12

Prijedlog Odluke o izmjeni i dopuni Odluke o dodjeli mandata za članove Savjeta mjesnih zajednica na području Općine Ilijaš

MUHAMED HANDŽIĆ – vijećnik BPS-Sefer Halilović

Obzirom da nam je ovo prvi put da vršimo izmjene u sastavima mjesnih zajednica, bilo dobro da čujemo kako i na koji način to radite, jer nemamo Statute mjesnih zajednica, a Statutom Općine Ilijaš to nije definisano. Neko od pravnika neka nam da odgovor da znamo, jer i u Mjesnoj zajednici Luka imamo problema sa jednim članom koji se nikada nije pojavio niti na jednom sastanku pa bi ga zamjenili novim članom, ali ne znamo na koj način.

ALMA IMAMOVIĆ – pomoćnica načelnika za opću upravu i lokalnu samoupravu

Ispred službe, u više navrata smo upućivali dopise svim predsjednicima savjeta mjesnih zajednica da nam dostave svoje prijedloge, jer imamo Odluku o izabranim članovima savjeta, ali samo od MZ Gajevi i MZ Mrakovo smo dobili. Ispred službe mi sami ne možemo predlagati. Kontaktirat ćemo sa predsjednikom Savjeta MZ Luka, pa na jednoj od narednih sjednica ćemo pripremiti prijedlog.

Diskutanata po ovoj tački dnevnog reda više nije bilo, pa je Općinsko vijeće jednoglasno donijelo

Odluku o izmjeni i dopuni Odluke o dodjeli mandata za članove Savjeta mjesnih zajednica na području Općine Ilijaš

AD-13

Prijedlog Odluke o neposrednoj pogodbi za prodaju neizgrađenog građevinskog zemljišta (k.č.br.396/33 - novi premjer)

Diskutanata po ovoj tački dnevnog reda nije bilo, pa je Općinsko vijeće sa 15 glasova ZA i 3 PROTIV donijelo

Odluku o neposrednoj pogodbi za prodaju neizgrađenog građevinskog zemljišta (k.č.br.396/33 - novi premjer)

AD-14

Prijedlog Odluke o neposrednoj pogodbi za prodaju neizgrađenog građevinskog zemljišta (k.č.br.771/3, 771/4, 874/2 K.O. SP_Srednje)

Diskutanata po ovoj tački dnevnog reda nije bilo, pa je Općinsko vijeće sa 16 glasova ZA i 3 PROTIV donijelo

Odluku o neposrednoj pogodbi za prodaju neizgrađenog građevinskog zemljišta (k.č.br.771/3, 771/4, 874/2 K.O. SP_Srednje)

AD-15

Prijedlog Odluke o neposrednoj pogodbi za prodaju neizgrađenog građevinskog zemljišta
(k.č.br.379/7 K.O. SP_Stomorine)

Diskutanata po ovoj tački dnevnog reda nije bilo, pa je Općinsko vijeće glasalo, ali je vijećnik Nijaz Mašić izrazio sumnju u glasanje i zatražio pojedinačno glasanje.

ZA su glasali slijedeći vijećnici: Nedžmija Matoruga, Saudin Durmić, Halid Dizdarević, Muamer Dervišević, Fahir Hasanović, Selma Pušina, Damir Filipović, Edhem Hasanović, Asim Mujić, Besim Gljiva, Aida Mališević, Nihad Bučuk i Enes Dizdarević

PROTIV su glasali slijedeći vijećnici: Nijaz Mašić, Sead Šehić i Akif Bešlija

UZDRŽAN je bio vijećnik: Muhamed Handžić

Odsutni vijećnici: Mahir Dević, Muamera Masnopita, Rasim Šehić, Alan Šerak, Marioneta Ilić-Jureta, Selver Herić, Adem Efendić, Nijaz Rastoder

Konstatovano je da je sa 13 glasova ZA, 3 PROTIV i 1 UZDRŽANIM Općinsko vijeće donijelo

Odluku o neposrednoj pogodbi za prodaju neizgrađenog građevinskog zemljišta
(k.č.br.379/7 K.O. SP_Stomorine)

AD-16

Prijedlog Odluke o izmjeni člana 2. Odluke Općinskog vijeća Općine Ilijaš br.01/1-02-222-10/16 od 28.01.2016. godine

Diskutanata po ovoj tački dnevnog reda nije bilo, pa je Općinsko vijeće jednoglasno donijelo

Odluku o izmjeni člana 2. Odluke Općinskog vijeća Općine Ilijaš br.01/1-02-222-10/16 od 28.01.2016. godine

AD-17

Prijedlog Odluke o naknadama za vršenje usluga iz oblasti premjera i katastra u postupku izlaganja podataka premjera i katastarskog klasiranja na javni uvid za K.o. Kamenica

Diskutanata po ovoj tački dnevnog reda nije bilo, pa je Općinsko vijeće jednoglasno donijelo

Odluku o naknadama za vršenje usluga iz oblasti premjera i katastra u postupku izlaganja podataka premjera i katastarskog klasiranja na javni uvid za K.o. Kamenica

Nacrt Odluke o uslovima i načinu držanja kućnih ljubimaca pasa i domaćih mački, načinu postupanja s napuštenim i izgubljenim životinjama i psima lualicama na području općine Ilijaš

MUAMER DERVIŠEVIĆ – vijećnik SDA

Obzirom da je ovo nacrt Odluke, pismeno ću dostaviti prijedloge, ali samo ću sugerisati da razmislimo o formiranju skloništa za životinje, pored higijenskog servisa.

MUHAMED HANDŽIĆ – vijećnik BPS-Sefer Halilović

Želim kazati da u Bioči postoji veliki broj pasa lualica koje dovoze iz Ilijaša, Novog Grada i sa Ilidže. Ljudi su veoma zabrinuti zbog svoje stoke. Praktično Bioča je postala "sklonište" za pse lualice.

Diskutanata po ovoj tački dnevnog reda više nije bilo, pa je Općinsko vijeće donijelo

Z A K L J U Č A K

Član 1.

Prihvata se Nacrt Odluke o uslovima i načinu držanja kućnih ljubimaca pasa i domaćih mački, načinu postupanja s napuštenim i izgubljenim životinjama i psima lualicama na području općine Ilijaš i stavlja na javnu raspravu.

Član 2.

Nacrt Odluke o uslovima i načinu držanja kućnih ljubimaca pasa i domaćih mački, načinu postupanja s napuštenim i izgubljenim životinjama i psima lualicama na području općine Ilijaš stavlja se na javnu raspravu kako slijedi:

- objavom putem web stranice općine Ilijaš
- objavom na oglasnoj ploči općine Ilijaš

U javnoj raspravi učestvovat će: građani, mjesne zajednice, političke stranke i ostale asocijacije i udruženja građana.

Član 3.

Javna rasprava o Nacrtu Odluke o uslovima i načinu držanja kućnih ljubimaca pasa i domaćih mački, načinu postupanja s napuštenim i izgubljenim životinjama i psima lualicama na području općine Ilijaš se određuje u trajanju od 20 dana, počev od 01. 04.2016. godine do 20. 04. 2016. godine.

Član 4.

Nakon provedene javne rasprave primjedbe i prijedlozi će se dostaviti Službi za privredu, finansije i investicije u pisanoj formi ili putem e-maila, najkasnije do 21. 04. 2016. godine – do 15, 00 sati. Primjedbe i prijedlozi dostavljeni poslije navedenog roka neće biti uzeti u razmatranje.

Član 5.

Ovaj Zaključak stupa na snagu danom donošenja.

AD-19

Prijedlog Odluke o upotrebnim znakovnim jezicima u Općini Ilijaš

Diskutanata po ovoj tački dnevnog reda nije bilo, pa je Općinsko vijeće jednoglasno donijela

Odluku o upotrebnim znakovnim jezicima u Općini Ilijaš

AD-20

Informacija o provođenju Zakona o matičnim knjigama

Diskutanata po ovoj tački dnevnog reda nije bilo, pa je Općinsko vijeće primilo k znanju

Informaciju o provođenju Zakona o matičnim knjigama

AD-21

Informacija o dodjeli općinskih stipendija za učenike i studente u školskoj 2015/2016. godini

FAHIR HASANOVIĆ – vijećnik SDA

Želim pitati vezano za stipendije koje su dodijeljene studentima. Kriterij je 7,5, a uočio sam da postoji prosjek 6,0 i zanima me da li je to greška ili ne.

MUAMER DERVIŠEVIĆ – vijećnik SDA

Čestitao bih Općini Ilijaš, općinskom načelniku i svima nama da smo uspjeli ovoliki broj stipendija podijeliti i ne znam da li smo došli do toga da svim studentima Ilijaša dodijelimo stipendije, a ako nismo nadam se da smo blizu toga.

SANJA ZAGORAC-JOZIĆ – pomoćnica načelnika

Želim podsjetiti vijećnika Fahira Hasanovića da je Općinsko vijeće Ilijaš na septembarskoj sjednici usvojilo Izmjene i dopune Pravilnika o stipendiranju i nagrađivanju izuzetno nadarenih učenika i studenata gdje je predlagatelj vođen namjerom da omogućiti da studenti tehničkih, medicinskih i biotehničkih fakulteta dobiju stipendiju bez obzira na ostvareni prosjek s tim da studenti moraju redovno izvršavati svoje obaveze, tj. da čiste godinu i upisuju narednu godinu. Zato imamo situaciju da imamo jednog studenta šumarskog fakulteta sa prosjekom 6,0 i studenta građevinskog fakulteta sa prosjekom 6,7. Znači nije u pitanju nikakva greška.

Diskutanata po ovoj tački dnevnog reda više nije bilo, pa je Općinsko vijeće primilo k znanju

Informaciju o dodjeli općinskih stipendija za učenike i studente u školskoj 2015/2016. godini

RAMIZ OMEROVIĆ – predstavnik Službe socijalne zaštite

Informaciju ste dobili i tu je sve navedeno, a šef nije bio u mogućnosti prisustvovati ovoj sjednici, ja mogu jedino iz oblasti svog referata dati određene informacije.

MUHAMED HANDŽIĆ – vijećnik BPS-Sefer Halilović

Imam jedno pitanje, a vezano za jedan socijalni problem, ja i kolega Durmić smo pokušali pomoć. Ne znam koliko Služba socijalne zaštite ima informacija o beskućnicima na području Općine Ilijaš. Mi smo pokrenuli neku akciju da se tom čovjeku pomogne. Ja vjerujem da vaša služba i ne zna kako se zove taj čovjek. Čovjek spava u prikolici u vrlo teškim uslovima. On je dijete poginulog borca, mentalno je bolestan i nestabilan. Molim vas da Služba socijalne zaštite iznađe način kako da se pomogne ovom čovjeku.

MARIONETA ILIĆ-JURETA – vijećnica SDP-a

Interesuje me dokle je došla ideja o javnoj kuhinji na gornjem području. Obzirom da nije u mogućnosti da se otvori javna kuhinja gore, pričalo se o paketima pomoći, pa me interesuje šta je s tim.

RAMIZ OMEROVIĆ – predstavnik Službe socijalne zaštite

Želim reći da je naša služba i materijalno i kadrovski desetkovana. Trenutno, od 11 uposlenika, pet je ili na bolovanju ili su za penziju, a radna mjesta se ne popunjavaju. Tako da mi radimo po 2-3 referata.

Što se tiče projekta podjele paketa, izašli smo na teren sa predsjednicima mjesnih zajednica na gornjem kraju i znam da smo zaprimili 44 zahtjeva. Od ovih 44 zahtjeva, 43 ispunjavaju uslove, a jedan ne ispunjava. Sada slijedi izrada rješenja, a nakon toga sa pomoćnikom načelnika Službe za boračko-invalidsku zaštitu, socijalnu zaštitu i raseljena lica ćemo vidjeti kako će ići distribucija paketa.

Diskutanata po ovoj tački dnevnog reda više nije bilo, pa je Općinsko vijeće primilo k znanju

Informaciju o radu Službe socijalne zaštite Ilijaš za 2015. godinu.

DAMIR FILIPOVIĆ – predsjedavajući

Upoznao je vijećnike da je zaprimljen Zaključak Komisije za obilježavanje, čuvanje i njegovanje historijskih događaja i ličnosti Skupštine Kantona Sarajevo, upućen svim općinskim vijećima Kantona Sarajevo da daju svoja mišljenja, odnosno saglasnost na inicijativu Udruženja "Branitelja Sarajeva" da se na lokaciji koja se nalazi ispred zgrade Općine Centar/Kantona Sarajevo, sindikata i tramvajske stanice Skenderija, na lokalitetu Mjesne zajednice Trg Oslobođenja-Centar" da naziv "Trg Prvog korpusa Armije Republike BiH". Predlažem da se sačini prijedlog mišljenja, koji će se proslijediti gore navedenoj Komisiji.

Općinsko vijeće je dalo saglasnost na prijedlog.

Zatim je predsjedavajući Općinskog vijeća Ilijaš Damir Filipović, zaključio 39. sjednicu u 13:40h.

Zapisničar:
Maida Habibović

PREDSJEDAVAJUĆI
OPĆINSKOG VIJEĆA ILIJAŠ

Damir Filipović, dipl.pravnik

Ul. 126. ilijaške brigade br. 6, 71380 Ilijaš
Tel. ++387 33 580-620, 580-698, fax. 400-505,
Transakcijski račun kod VAKUFSKE BANKE,d.d. Sarajevo:1602000000710645
e-mail ov@ilijas.ba
Broj certifikata:20938

